

悅

親

樓

詩

集

悅親樓詩集卷二十一

庚戌上

海寧祝德麟止堂

古今體詩六十首

和芷房行役瀋陽初發雨宿烟郊作兼示容齋
二首

不惜風塵苦征鞭向大東烟花辭鄂杜形勝訪岐豐已
作休官計寧論汲古功時有詳校文淵閣四庫書之役浮生旣漂泊
去住理俱同

欲遣長途興先期伴侶邀辭家能慷慨攜子轉蕭條挈長
兒隨風雨行人恐關山瘦馬驕對牀衰不易珍重話今
宵

玉田

設槧賜者來盼石仙人去地寶成玉妃買得嬪娟顧白
粲勝白璧玉田產米種玉人何處不見野田烟桃花亂無數
榛子鎮憶秋浦太原秋浦去年主講於此

浩蕩君遊晉艱難我渡遼行經舊書館況值暮春朝白
晝消棋局閒雲送酒瓢小山隨地有叢桂那須招

永平宿田家二首

車轍灤河上危橋窸窣檣平沙連大漠落日閉孤城古
蹟訪肥子詩情嘲瘦生暝投鴉鵠後野老尙逢迎
蔬黍不論價淳風眞葛懷垣低重壘石戶亞密編楷列
柵雞豚足比鄰笑語諧生涯有如此歸計未全乖

北平道中

犖碣山行車轂摧問君何事卻輕來黃沙白草盧龍塞
不是愁人首亦回

北平咏史

盧龍千疊山蜿蜒趨海窄行人渡灤水攬轡訪故迹漢
家飛將軍猿臂夙善射風吹野樹腥蹲踞疑白額引滿
遂壹發飲羽乃沒石明朝再注矢石與鏃相格神巧出
偶然初難有意索偉績在北平威聲著西域橫行陰山
道草木皆辟易奴隸盡封侯數奇空歎惜平時讀史傳
一節我未直宵行有厲禁妄自較今昔區區霸陵尉醉
呵安足責得柄竟先誅僇辱近修謗睚眦怨必報私意

終未克君子廣德心室怒莫市色

榆關月夜

山中有水水中山旅館清輝照客顏今夜長安小兒女
不知征騎到榆關

宿臨榆縣

陟水登山我馬煩停驂往往逼黃昏鶻呼風色清霄厲
簾輦潮聲午夜喧且喜天涯多舊雨祇今關外卽中原
書生欲洗毛雖習擊鐙狂歌出塞門

山海關二首

表海依山氣象尊堂堂巖邑鎮關門戶庭直是同閨闥
水木能無溯本源一代風雲開草昧兩都形勝控雄繁

月明袞袞濤聲壯想像當年士馬屯

神武開天萬世功

眞人駕馭必革雄宗臣袞繡來姬旦降表書辭得竇融
電埽黃巾滄海畔星馳金甲玉關中歸心豈假驅除力
雲氣飛揚滿沛豐

出關遇雪

離離雪月打征袍柳線初裁二月刀敕勒歌殘聞算策
尉遲杯滿酌蒲萄魚龍窟宅天風遠松杏山河戰蹟高
忽見旌竿烟外轟且求邨舍息塵勞

松山二首

華蓋蟠雲此誓師桓桓四面列熊羆

橋山弓劒瞻今日涿鹿車旗憶往時

新命本由蒼緯授

神機親秉白旄麾十三萬眾蟲沙化爲問當年主將誰
策力羣資較孰多高張天網盡收羅易名虛享前朝

祭佐

命仍賡猛士歌組練輸誠隋屈突金芻主餉漢蕭何

製全韻詩注謂經略洪承疇雖爲明貳臣而我朝平江南等處實資其運籌轉餉之力

識時務或

呼豪傑青史評論未可磨

松山遇大風雨行二十里投賣漿家宿

山前掣電飛金蛇山後雷鼓鼙鼙一聲霹靂震崖谷
白雨亂點紛如麻翔禽斂翅集叢薄擔夫驚竄奔虧巖

服顛驂汗尾鼴重馬力漸不勝轔車亟求棲止得處所
遑論屋舍陋與華門臨大道賣槧店闔然直入賓徒譁
主人蹲踞磨牀側孤熊擇肉將磨牙逆旅可以忠信結
故作好語相矜誇埽除土銼設葦席破窗糊紙風吹斜
馬通燎竈水汲井煖湯濯足歌彭衙牀頭菽乳勝冰雪
腐儒臭味真無差便令煮食共一飽倒枕忽夢騰金鴉
人生失路亦時有但免飄蕩休咨嗟君不見罷民就配
身莫贖道遇黑龍江遭犯乞兒宿廟安如家店旁神廟如斗有丐者寢處其中自以土塊塞向

渡大凌河二首

養息牧在其地

小凌河接大凌河此地當年戰壘多事久時平馴牧盛

尾鬢如繡滿平坡

一葉威呼土人刻箇木爲舟謂之威呼欲渡難縱橫僕馬卸征鞍角
笳聲裏邊風勁三月重裘骨尚寒

渡河謠

白石何鑿鑿置之河之陰石多傷馬足水寒傷馬心一解
水寒猶可溫石多不可鏟馬飢何處秣人飢何處飯二解
勸公無渡河公竟渡河去朝投饑蛟淵暮踏猛虎路三解
今日渡凌河明日渡遼河遼河深且廣去去慎風波四解

錦州道中口號五首

蜿蜒龍勢直趨關松杏東來石角斑盡日濛濛嵐翠裏
舉頭山外又青山

白鯁黃、覲那論錢比目文魚入饌鮮卻怪山居饒水族
花豬肉味不登筵

斑瓈牆築虎皮牢稽縛笆籬六尺高到處青帘沽酒店
十株楊柳五株桃

泉甘土沃好深耕穢穢溪田水自鳴昨夜一犁新雨足
家家攜鋤種香秔

遼家官衛壯山河折戟沈沙漫洗磨欲訪當時舊巴納
卽捺鉢
今譯改不知何處宴頭鵝

曉發望山鋪

深林宿禽冷尚棲客子早起晨光迷別棧蕭蕭老馬戀
登牆喔喔羣雞啼半規殘月挂弦側一角遠峯描黛低

人生束縛不稱意出門政路無東西

唐壘

廣寧縣城東南相傳是太宗從朝鮮駐臨處

昭陵唐誼辟龍起晉水清智勇實天授大業唾手成所向無不克羣雄以次平高昌隸版籍顏利襲冠纓彼哉高句驪辟陋居東瀛蘇文弑逆徒致討誠有名弩緣鼷鼠發何必事親征迢迢七千里風雪滿深坑負土填泥渾軍士肩爲賴主客勢既異勞逸理早形拔城徙其州得地不足耕蕭蕭浪水邊戰骨堆崢嶸招魂禮國殤愍忠寺名壇宇營仆碑令重起良言思魏徵當時好大意欲與隋文爭驥武卒無功悔心徒自萌洪惟

崇德元建國開朝廷拜舞徧藩服朝鮮敢毀盟

太宗赫斯怒聲罪移天兵旣俘江華島名直薄南漢城
李倧乃窮蹙稱臣面縛迎質子返旆俛止戈瞻威稜刻
石三田渡紀

恩齊滄溟至今通職貢永奉堯階莫借問貞觀主神
功能不能

新民屯

句驪河遶堞樓東屯聚相望表裏雄尊爲頑民營洛邑
自遷豪傑實關中玉禾連熟鱗塍積其鐵騎長閒戰壘
空百五十年休養力幽風七月繪難工

盛京四首

遼瀋鍾祥出震區丕基式廓啟神都天迴左海龍翔

遠地控青州虎踞孤黑水白山真幹脈三韓百濟舊興
圖須知億萬年王業肇造艱難歎

聖謨

迺立臯門勢有伉十亭拱翼太微旁土階松棟

垂型儉鳳闕龍樓踵事煌

崇政以及關雎麟趾諸殿皆乾隆初年增建五部

曹司分職掌八旗物色辨文章東賓西主空揚詡爭及

興朝法制詳

工陵王氣鬱葱浮宗伯祠官典禮修風雨偶聞嘶石馬
山川終古奠

珠邱祇瞻

弓劖天垂象

太宗所遺弓也太祖所御印胄

何必衣冠

月出遊四度升馨光

聖孝翠華攀麗故宮留

珠軒採捕準常經

隸族採珠捕貂者謂之珠軒

德產精微各賦形

駒牧長調照夜白鷹房先進海東青貂雖名鼠裘良貴獲

或成人藥有靈天寶物華瓊異集

御題十二炳如星

御製詩有 盛京物產十二咏

丁琴泉以勘地來瀋陽喜晤

春明草色碧如烟解爾東來慘別筵今日一尊關外酒

送君直到柳條邊

結柳以爲邊牆卽名其他曰柳條邊

登文淵閣

奉天實陪都百度規京縣水木有本源素質漸華絢

列聖始創業詒謀本翼燕

神孫善繼承文物乃大燠巍巍三層閣聿倣文淵建
三萬六千冊經史子集分仰止今棟充釐來昔牛汗校
錄必精審儲藏益完善自非載筆臣誰能讀未見腐儒
從事久源流略可按娵娵大福地攀躋固夙願初桄尋
歷級絕頂得壯觀雙闕起青陽十亭翼絳漢莊虎鳳皇
樓昈列雌麟殿茅茨樸素昭觚棱金碧燦

作荒崇儉德式廟應穹眷其外府署周朝市位背面
九道洞經環八門雄衛捍殷軫通貨貝隱麟鬱里閈浮
圖轟坎方適當閣之半平疇青濛濛似挾秋意先遠觀
雖一氣水樹遞隱見緬惟

肇迹初胥宇幽斯館

謂興

築城太子河遼陽宮室奠

謂

京遷都未墨食

東

獨斷違眾勸遂開萬世基

櫛沐經百戰漢家歌上陵七度馨香薦

詣

盛京

謂陵

聖祖船

三九
土凡四次今望幸有父老歡洽故宮宴南陽氣自佳沛

里風仍健禮樂百年興及茲美無閒關中收圖籍未暇

問書卷人道乃化成先後

聖揆嬗

堯典事粵稽周原景畢獻下梯逼斜陽俯仰餘繩綰行
蹤半天下勞生每自歎垂老作東遊壯哉忘冗賤

將發瀋陽畱別福景堂少尹

曩在長安日客來自瀋陽軒髯談政教云子賢且明薪
槱佐化理士氣日以昌此我同袍友追逐如雁行一別

六七年音問各渺茫昔爲雲與龍今作參與商東都形

勝地興朝所發祥瞻望目弗及遨遊夢豈無端戒

行李飄颻之希鄉歡迎多舊雨謂成警齊侍郎陳
濟齋留尹諸公而

予意尤長得暇卽相覓寧論課役忙開君東閣門坐我

曲木牀空庭老樹得樾影筵日光出示新詩篇披誦聲

琅琅此景復何如不殊清祕堂當年同直人僕指幾存

亡王園舊遊處池館亦已荒萍蓬獨相值銜杯論文章

人生蹤跡奇安用歎分張子其善自勵振佩還天闇

黃鵠一高舉千里從翶翔

畱贈成警齋少司空二首

依然風骨玉崢嶸官閥高時氣愈清授簡昔陪唐內相

公曾爲翰林學士

公兼副都統攝

考工今長漢東京公侯自裕千城畧

將軍富貴仍收媯雅名讀罷詩篇餘俯仰未容司馬主

齊盟昨出示舊稿皆慶樹齋尙書爲

盛京將軍時唱和之作

玉堂清暇幾多仙風月瀛洲憶比肩

歲己丑同辦院事

視草偶

煩鈴索吏看花誰作海棠顛

院中海棠最盛

豈期把酒逢斯地

重話分襟閱廿年努力祝公強飯在

大廷黼黻正資

賢時公方病起故云

七月朔日初發瀋陽

已事卜日旋客心正踴躍欹眠聽膏秣夜半風雨作曉

霖遂首塗未必徑路惡出城不十里漳淖已沒蹠一步
一傾危騎馬如控鶴縱橫迷軌轍躡蹇礙前卻一雨之
所集可立待而涸何爲恣浩瀚驚歎同海若細者尙澗
溪大者竟淀滌當前巨浸橫四顧無垠堦偶傍枯柳椿
彷彿露略徇柱欹基亦壞殘版漫枝格行人空悵望欲
渡無繩笮太行足下起黃河面前落吾聞治水法首先在
溝澮鑿如人身血脉導引利疏滯乘輿濟潦消祇堪小
惠博成梁平道路王政實先著豐道百廿里

高祖所荒度巍巍永安橋

文皇又式廓有舉莫敢廢踵事罔不恪柰何九達壇坐
視成溝壑道逢拔晉叟謂余休錯愕此邦民田廬三歲

被漂泊今年較常年水勢已綑弱所以夏秋閒商旅多
裹腳

柳河溝馬上作二首

淫潦積三尺畏途行廿里伯
後險幸已出前艱方慮多柰何奉遺餉試此平地波

自二道井陸地汎舟至胡家窩鋪

遵陸無端改潮流主奴肩背倚孤舟兩行官柳如蘆葦
纔見波心露出頭

道逢進鶴鹿者

鶴鳴在林臯鹿遊在巖壑置之欄檻中厥性已非昨
吉林固佳要不殊蹄腳將軍表微誠羅網貢京雒一閭

踞一鹿一軒乘一鶴四夫昇一軒八丁肩一闔嗔夫爲
夫疲鞭丁爲丁弱衣不蔽尻膝食不飽藜藿仄行泥淖
中連步共邇邇十里九成河顧視驚豐豐夫丁任顛躡
鶴鹿要安綽俸料沿路齎餕飢慎付託吾

皇崇儉德無益戒勿作雉頭裘或焚千里馬或卻仙禽
充西苑饗廟林丞約羽成遠放之聽其翔寥廓恭讀

御製篇盡性物成若木蘭歲秋獮攀友滿匡崿頌賚競
割鮮他他復藉藉音韻其狂靈闔簪自享萃高樂豐貂珍
其皮紫園重以藥土貢有常經乃爲國用酌此物非所
貴途長路亦惡毋以人事禽徒爲下民虐

望醫無閭山

我從遼水來晴空見

湖甸
反

窈窕纖眉弄虛浮黛色帶飛

鳥今朝風日佳策馬廣寧道嵐光潑濃翠未食已先飽

茲山鎮幽營虞廷寶封肇今踞豐沛鄉得氣更奇矯鴻

濛割孤秀刻畫出眾巧奔騰萬馬驟石角盡東抱蜿蜒

一龍翔峯頭又西掉遠觀似旖旎近瞻轉崙窿上與帝

座接呼喻雲霞表下與海氣通拱指蓬瀛島中有仙人

嚴耕烟種瑤草千春遺蛬畱玉洞桃花小

仙人嚴桃花洞皆山中景

也東丹讀書臺故跡尚可考林岫互隱翳惜哉闕登眺

廟廷奉明神碧宇朱垣綠豐碑白蘚滋鉢砌蒼松老三

公視等秩泰岱埒柴燎國家遇覩慶專官禮敬討名

山與大川所在福億兆維神夙靈應有請必如禱以茲

走村農伏臘薦牲釀神罔時怨恫盍救連年潦天行不敢詣過客心悄悄但覺萬芙蓉落我衫袖好題詩五嶽外搖筆媿才少山盡十三山綿延青不了

閻陽驛望十三山

天畱眞宰在東溟山色無閭百里青猶恐行人看未足畫圖全展十三屏

大凌河咏事

撻伐聲威駐

虎旂勤王師到土城頭豈期倉卒誅袁粲仍爲艱難守

錦州末路縱緣心力盡甲編難恕姓名收明末投誠諸將

又貳臣一卮重酌張兵備兵備道張春大凌河圍急作不二歌千古凌河

申編

河圍急作不二歌

水自流

望山鋪遙弔館師尹文端公墓

墓在錦州紫荆山相距數十里

紫荆山外暮雲昏中有張佳

公滿洲本姓

上相園墓祭曾停

橫海節

公子樹齋會爲盛京將軍

地名疑訪謝公墩

地名與公至號恰合

今膏雨三江渥終古

天章五督存

臣詩御製有五督白

髮門生來過此空思下馬薦蘋蘩

行止篇

時間幼子殤於痘

我行原野間見牛羣放牧降阿或飲池各自挾其犢尾隨求哺乳子欲方逐逐掉頭舐膚革母意勤勤顧復我有暮生兒顏色白勝玉提攜四載餘嬌癡宛在目臨行牽我衣勸耶早迴轂那堪歸及門聽汝阿嬌哭吁嗟勿復

言媿此溼溼族

我止逆旅舍見燕巢室隅雄出復雌入各自護其雛銜蟲接黃口孜孜方待餉所望毛羽成不辭口血枯我有五歲兒愛惜掌上珠時隨諸姊後梨棗推有無庭前桐陰下是汝所戲娛那堪歸及門聽汝諸姊吁噫嘻曷忍道涎涎吾弗如

中後所覓宿不得

秋山斂夕容秋水亂無路人語漲外聞燈光林際露我馬已虺隕未知投宿處

老君屯

真龍趨幹脈元氣混茫閒沙白不分海山青直到關異

鄉甘亦苦匹馬往仍還況復逢秋潦羈魂怯險艱

山海關咏事

過客臨關太息頻幾曾大義識君親共知博浪讐當復直恐秦庭哭未真故國江山一紅粉晚年城社亦黃巾祚今剩有圓圓曲付與詩人仔細論

入關有感

月挂邊牆直似弦明駝裝健促歸鞭心驚飲馬長城窟目送飛鴻絕塞天丁令羽衣終自返管寧木榻有教穿客途兒女牽情處不是悲秋亦黯然

水阻不得登濱海樓

我聞濱海樓乃在秦皇所築萬里長城之盡頭當時鞭

石不到處哀哀卷地洪濤流挾醫微闇陵碣石齊烟九

點空中浮山迴城斷樓壓海登之可以嘯傲銷閑愁

王師昔日殄流寇金戈鐵馬銀兜鍪白布識肩勿誤殺

得意先被平西俟如毛羣盜膽頓落有征無戰咸虔劉

二十萬級血漂杵半驅入海成鳧鷗

一月石地至今畱名

仁聲義問光照千春秋戍壘久空烽堠撤車書萬國朝

皇州欲問其事故老都已盡憑闌展眺遺蹟應堪求土

人告我泥潦隔上馬欲去還中休吾家舊居龕赭陬三

亹潮汐奔雷收虯龍窟宅麟鳳洲近在檻楯迎雙眸鎮

海塔名高標跨霄漢扶桑旭影往往先燭鯁宮幽乾坤雖

至大同此一泡漚逝將乘查返故里左拍洪厓之肩右

袂攜浮邱振衣濯足日與顛氣相冥搜遐哉海水空悠悠

悠

謁清節廟

直將志節竝三仁
頑懦聞風百世振
叩馬森嚴爲義士
登山慷慨作詩人
黃農虞夏空懷古
父子君臣只盡倫
卻笑冕旒何秀發
當年曾是餓夫身

次韻翁覃溪閣學雨後盧龍道中

客館辱投詩飛動含畫意
盧龍倚山海收拾雄險勢俛
仰虞道園遊蹤三度記披尋
學古錄卻在遼京地詩跋所言
如滿紙颯颯聲蒼涼挾雨氣月雲落我袖中有太古字
好山如故人入闕挹丹翠修途礙行潦頓與去時異馬

上亦高吟遐情於此寄獨倡寡酬和惜哉未立轡懷古
古不留學山山可至半嶺嘯孫登佇聽鸞鳳吹

中元灤陽驛旅館望月二首

白水流無極青山望不窮今宵豐潤縣猶自滯畿東

秋月非春月金波易得愁遼陽千里客獨唱大刀頭

玉田錢大明府

端

畱飲酒罷卽次覓夕不寐曉

發至薊州二首

登陟困簾搖壯夫亦疲茶旣叨美酒勞遂與地主別欲
償終日苦莫如一覺悅卽次耽枕簟壹期百口齧有蟲
喙如錐有蟲狀如鼈有蚤鬧我禪有蠍伺我羹彼眾吾
實寡何以勝餐餐摸索一無有但覺塊壘凸那堪骨立

驅邁此剝膚切卻有向榻人勦勦聲似映

通宵不成寐起倚庭前檻呼僮促膏秣努力卽前程殘
月尚在天白露闌秋榮禾黍盡偃地水潦真無情三輔
坦蕩區攸往本咸亨故轍迷不辨地無一寸平忽然上
崔嵬旋復墮隍阤尻首互顛倒僕馬紛縱橫達哉蘇玉
局詩句令人驚歸田雖賤辱豈失泥中行

夏店乘葦筏

千金買一壺未必遽涉水倉卒求之難有備斯足恃客
本遵陸歸盡日波濤裏今朝夏店口去京纔百里遊興
忽已闌當前又瀰瀰石梁沒雨頭但見脊墳起僕夫正
徘徊臨流卸行李似聞招招聲亦類扁舟櫓智創自野

人厭制非無擬葦杭詩則云此日所乘是木柂以爲櫓
秋蕪以爲底坦然平似席蕞爾小於几人可受兩三物
亦容包匱載浮利推挽欲減僂角掎似初祖西來超渡
擎雙履須臾到彼岸卻勝濟盈軌泥行不必櫂山行不
必櫂寄語遠遊人須蓄水帶子

通州不及訪露仲

遼東千里道魂夢尙相尋今日過君里策馬翻駿駿飛
鴻無停爪遊子有歸心遲爾來京國同題疇昔襟杯酒
或重持終致商與參不如不相見別恨無由深

悅親樓詩集卷二十一 終

甥葉紹本校字

悅親樓詩集卷二十二

庚戌下

海寧祝德麟止堂

古今體詩六十五首

庚戌八月廿七日攜家南下畱別都中諸戚友
四首

自卜歸期閱兩春今朝真箇作歸人物當 聖代無遺
棄名敢 淸時尙隱渝幽屏那能忘戀 闕迂疎只合
早抽身

義年萬國呼嵩日已喜隨班介祝申

恭值壽欲娛叩祝禮成八旬萬

而行臣心稍安故維舟以待

未曾削籍脫簪珂且換滄江獨遠蓑小草自來無遠志

青山是處有平坡夢回

帝所朝參慣詰到

君恩涕淚多七度文衡官五品尙慙過分敢期他

交游卅載滿長安到此方知晚節難連日飲猶叨祖餞

數篇詩總敍悲酸公卿古誼尤非望

無錫相國賜餞餽

制府遣弁齋金贍走送殷殷秋帆

厚助均爲可感冷暖人情也要看

外吏道府中平時稱

一顧幾輩更爲垂老別那禁枯淚暗中彈

檢之劍亭露仲同年密契者到京不

年皆老矣臨

分倍難爲懷

漫說先人有敝廬浮家湖海欲焉如未妨亭擬三休築

轉似堂嫌六客虛

敝廬無力完葺暫擬寄居與雷紹堂太守方修六客堂昨書來云待余

爲六客隨處山川堪指讓此行蹤跡任樵漁逃名漸恐之一

深林入不遺梅花尺素書

九月朔日舟發張灣書懷二首

初秋七月朔命駕發遼左回京纔四旬又放江南舸勞人何自勞輪蹄戛帆柁苟其脫羈鞅安往不得我首塗戒迅征輕舟疾於筭雲山送我行出沒半遮邇烟柳亦多情搖風尙婀娜乃知天地大漫向鍼鋒坐讀書慕聖賢仕止無不可榮利亦所貪敢學硜硜果生無內食分過屠妾願朶四十九年非范如烟霧墮庶從今日後滅影息衰情終慙恩未報回首盼靈璫

攜家望鄉井去國傷懷抱秋色蒼然來送我幽燕道妻孥固屑屑僮僕亦草草窮達苟一視得歸豈枯槁郵程

三千里關河悵緬渺往返六七回者回收局了潞水日
東流歸人隨越鳥水仍舊時水萬古流浩浩人非故時
人已逐風塵老前期盡夢中一往跡如埽人生生處樂
悔不還鄉早朝野復何殊始終荷洪造

行次河西務王少林司馬邀飲署齋流連竟日

畱贈古詩一篇

祖軾滿青門首塗逢倒屣豈期罷官人光寵有如此天
風吹歸舟瞬息可百里他人不輕造爲子一日橫衙齋
臨河干地僻遠塵軌入門三五枝修竹畫相似庭階播
蘭桂架閣插書史誅茅夏何陋啜菽亦可喜兒能文選
續令郎方十齡能背誦雪月諸賦母必寶筵視君每謹客母夫人必親視饌具至樂得

天倫中隱勝廬仕雕詩出肝腎愛客入骨髓更情滄洲
遠高論洪濤起名流但經過都欲接冠履情親若駢蛩

何況吾與子開尊倒爛漫稠疊呼浮蟻今日不盡觴明

朝酒空美客從遼東來袖中攜海市拋瓢引瓊玖長價

借口齒果然得佳篇白雪已吟倚

余以盛京詩相質君評閱至夜分即用

集中贈成少空七言二首韻辱題兼送別

一百十二字字字立於紙中有離

別淚彈之欲盈指白璧與黃金安能壯行李同年二百
人天合歲狂癸當時仙籍誇此日晨星比幾人嬰綱羅
幾輩紡金紫豈惟判升沈兼亦悲生死君方驥足騁我
未鷗盟恥出處亦何常第各行其是潞水流滔客歸
挽不止欲識別後情思君如此水美哉樂志堂聞在珠

湖涘梅花誦清芬未退先料理看竹不問主爲君訪燕
壘馳書報平安定託河之鯉

君曾祖樓邨先生十三本梅花書屋圖乃夢中事昔

曾爲題詩而未之見席間出以相示近買喬氏樂志堂欲仿圖補屋屬余過寶應時一

爲體訪

補題紅樹歸飄圖圖爲少林登第南旋時董東

亭庶常作

秋風展畫索題詩正是歸帆欲去時重話廿年前舊事
一尊相對鬢如絲

津門卽事

天津縣前津鼓鳴掘鯉淀外暮潮生行人解纜月初上
彎彎船子當窗橫月色橫窗似窺客開窗望月思京國
森森綠樹受烟圓森森寒波混天碧景物蕭疏一片秋

天風吹不斷離愁歸心直竝鴻南向去意爭如水北流
自津門以下水俱北流此夕悠悠誰與度有人暗算江南路挑燈重讀送行詩驚起船頭雙白鷺

靜海懷勵檢之前輩

曉發楊柳青地名直下丁沽水停橈塞杜若懷哉勵夫子遺芬誦世澤海內幾家比乞米金馬門到老窮不死蓬萊水清淺仙島虛無裏昨日送我行今朝過君里小山叢桂幽颯颯秋風起時君亦乞長假

流河即目

孤舟入流河難可窮端倪將南復指北飄轉檣竿旗風色忽首尾日光無東西團團蟻旋磨歷歷人扶犁布帆

一何勞上落千百回彎腰眾水手耶許聲能齊舷欹柂
每側退憮進亦迷未覺岸流轉時見行樹移客子不識
路但怨舟行遲來船亦如此彼猶順水推

九日滄州守風

客行占風聽所遭扁舟南下征帆高平生過涉每狎覩
欲將忠信陵波濤侵晨問津達無棣漸聞掠膈鳴颺颺
亭午四空黃氣塞順流中已無來艘北溟龍怒翻碣石
冠山柱弱欺連鼈河波倒捲一尺立隄柳旋舞千株颶
眼前何由去路辨耳邊但覺眾竅號急呼桺杙傍欹岸
重重箋纜求其牢縋以鐵貓碇首尾猶然掀簸如索綯
此身已作退飛鷁有逐擊鳥爭翔翶得行固佳畱不惡

那視性命輕鴻毛卻憶今朝重九節常年召客題花餚
野棲安所得萸菊況望好事攜香醪瓶中有酒且一醉
月已出海波歸艤

賣魚行

荻蘆隱處腥風逆款乃聲聲出叢碧小船來就大船邊
一箇漁翁頭雪白船中正苦無鮭菜魚多不必論錢賣
舵樓炊熟送飯香持白作羹餘作膾世閒生計常患窮
不如出沒滄波中烟蓑雨笠無猜忌行作江湖老釣翁

泊頭臺遇吳穀人

時乞假省覲

客途邂逅兩閑身本是長安履跡親已略通門呼小友
最難並舫得詩人楓爲丹漆蘆爲絮露似明珠月似銀

同舟不二
一
一路唱酬風景好歸裝或恐未全貧

桑家園晚眺穀人相失數日并以招之

頽陽向西落林薄穿光晶餘綺絢霞彩一川爲之明鶴
鵠旣浩浩牛羊亦營營帆烟斂獨樹渚暝赴遙坰居人
罷販歸野航渡頭迎手提或餕菜肩挑或薪蒸老稚忽
如蟻往來紛若爭嚮晦各知時百姓固與能客情厭囂
譁移舟閑處停掬水得滿月呼天飛流星旅愁無自結
夜氣相與清坐久欲忘寐衣上涼露生孤泊起戒心招
呼鄰船并惜無同調友弄筆繪水聲

逆風遣悶

誰推大山至贊見來船高風水雨俱順厲疾如盤雕鳴

鉅向中流意氣一何驕
緯夫弛百尺攤錢各逍遙
我舟小於葉忽行忽復止
十夫挽不前進尺退或咫亦有懸
桅帆卷腳無風使兩日纔半程
三朝未百里客心正焦
急舟子前致辭逆水地所限
逆風天所爲地難拗之轉
天可禱而移簪車祝豐年亦聞
操豚蹄人心自不平天
意何偏向但令日日風順逆安可量
我今屈步蟲捷徑
非所望那學少年情乘風破高浪

衛河漫興

朝聞擊櫓夜鳴榔不必郵籤道里詳
水手熟於三折臂
河身曲似九迴腸月華流去波全白霜信催來柳半黃
我豈悲秋湘楚客未妨得句也清狂

油坊食梨

北方多珍果別類梨堪嘉誰能數張谷

閑居賦張公大谷之梨

笑

必尋袁家行經油坊口磊磊載滿車皮黃金有粟肉白圭無瑕甘脆但嚼雪初不煩齒牙秉德漫頌橘可口應羞櫨人皆愛其實我獨憐其花瑤姬侍玉皇縞袂捐流霞開雖竝桃李迹邇心則遐宜爲百果宗結撰冰丸佳家丞與庶子秋實兼春華分擅已足美茲復何損加楚王萍似斗安期棗如瓜誰曾親見來賞歎空咨嗟嘗新興偶觸卽物情還賒華實要相副毋徒耳食誇

行次臨清計出都已二旬矣感賦

千里無山色三秋有雁聲回頭失西笑落魄向南征魯

酒未嘗薄齊歌何不平關前霜角動忽似嶺猿鳴

關吏行

閘版初開水勢鼓鼈波艤船紛翔舞一船橫截河當中
忽見千船住篙櫓云是臨清關口阻卒如鬼吏如虎有
客扣關關者怒未幾兩翼啟中流先放達官兼大賈其
餘各各排牆守要檢筐箱搜金牛亦不索錢刀亦不需
脯酒清晨停壓剝曬黃不怕鐵力不入手東船嗟怨西
船愁我舟瑟縮同淹留廿年冷宦歸休物只有書箱載

雨頭

少林以松石間憇小憩屬題畱行笈中船宿醉

後率成

十年六七別一別一
流連廣額豐頤者都非舊日顏羈
孤謝薄宦淪老歸空山蒼松與白石待結三友緣故人
蘊經濟官在河西濱略似白江州詩名滿塵寰臨分示
我圖寄意松石閒松乎何鬱鬱石乎何盤盤小草笑其
怪武夫嗤其頑松石不自知本性守固然幽情寫瀟灘
相賞已忘言石介不可轉松貞不可攀交道亦如此毋
爲末路歎

爲馮星齋通鑑其尊人捧硯圖一首硯爲令

祖司寇

公爲江寧方
伯時所製

一片青花幸未焚綿裏深藏誦清芬直同過客時教捧
好抵良田世可耘壺嶠靜酒滄海月繁華生吐墨池雲

拳拳疑仿童年景此是人間萬石君

銘識淵然細拓摹裝成三軸付三珠大弓寶玉藏須謹
硯失而復得季虎頭龍守不殊圖凡三星實昆弟三人各弄其一竝塵傳家
稱石友滿簾貽子笑金夫我將牀下龐公拜余過秀水必謁公

并請披觀歷仕圖

司寇公起家長安令有歷仕圖

寄贈同年陳卦峯

良翼

并序

君宰於閩調臺灣諸羅令諸羅者卽今賜名嘉
義者也乾隆丁未秋七月賊首林爽文反攻城畧
寨所向披靡時君已擢州牧請養未離任聞事起
慨然曰禦賊吾責也安所逃命呼士卒登陴城已
陷賊劫君去熟視之曰良吏也勿害得閒入歸義

民從者數千嬰城固守垂半年糧盡援且不至守
益堅未幾大兵平賊諸羅城獨完議者方謂君
當得懋賞君亦不以爲意正候代歸忽被劾初總
兵柴大紀搜村落獲亾命概以爲賊黨付縣吏駢
誅君一一體察得疲癃老弱有佐證者數十人白
於柴以爲實非從賊柴弗聽申救再三終不許不
得已以已戮報而陰縱之事覺以縱賊論法當死
天子察其冤嘉其持正特宥之罪止奪職嗚呼君之瀕
於死者屢矣被賊劫當死守城糧絕當死縱囚當
死不死於兵則死於法當死者三而竟不死其果
良吏之報歟抑天之所以相之者別有在也庚戌

八月余將南返君以祝釐適都臨發前一日過余談兵閒事且示以守城賞番及漁樵耕讀三圖行李息迫卒卒未暇題句舟中無事補作一篇貽之俾覽者有所考焉

國家聲教無不被海內未知兵革事櫈槍忽落廈門東草澤一夫敢振臂是時君已謝諸羅一日枉官民命寄疆場有事定折衝矢石親當安所避力窮被刃入賊營罵賊賊翻羅拜誓孫恩作賊亦分明不殺清官殺墨吏須臾忍死脫身歸一鼓戛作殘羸氣噓成蜃樓當捍衛叱起蟲沙教擊刺濠塹居然夾寨堅糗糧誰復睢陽繼析骸而爨烹肉腥縛草爲人受箭利已分甘心爲國殲

城亡不生存亦斃忽報 天兵渡鹿門翦除梟羽收狂
獮鄰封殘破靡子遺獨有諸羅城尙閉將軍表奏守土
功 詔易縣名曰嘉義千金賞固非所貪萬戶侯亦何
敢冀但期將母得歸田豈料爰書挂吏議火炎崑岡玉
石焚亦云裔從則固治武夫麤穢挾威權不許莠良別
眞僞人命在我掌握閒可以殺人上官始令一身贖
百夫僥干憲典心何患

帝堯刑法曰宥三

大舜聰明乃達四故友相逢慶再生感 恩惟下涔涔
淚余曾忘榜獲聯名旋向棘闈同校藝余典閱試日不君充分校不謂君兼文武材又復出入死生地鄭鄉已見拜黃巾于

門行當納文駟勸君歸去漢江濱耕讀漁樵惟所志

挂劍臺

在張秋鎮南

延陵使上國佩服表容儀腰下千金劍芙蓉光陸離徐
君心欲之然諾未可知歸來已宿草脫贈嗟無期白楊
生悲風挂棗墳樹枝暗許未有言寸心終不移至今臺
下草莖脊肖雄姿柰何浮薄子對面忍相欺

南旺

誰將分水犀割此汶流開巨靈擘太華黃河聲如雷來
船與去船南北本異路俱從上水來各向順流去送迎
既甚便道里亦至公遼南北各一千餘里所欣均地利不必邀天
風今日弄漿牙明朝張去帆腹人心安有窮得龍乃望

蜀

柳林阻淺

斗門七十二雲樹萬重排迢迢千餘里共此水一杯晨昏藉挹注來往浮檣桅智力本矯揉遏防煩督催今年水道利一直下江淮糧艘盡回空重運無復來所司可高枕歇閑聽閘牌閘牌子稱閘夫行舟一閭淺百夫難挽推天地有缺陷數窮事則乖補救在人力用能造化回是以艱難際必賴弛張才卽此一閘觀可以眾理該昔嘗憂其閉今獨患其閘蓄水請閘吏下版休徘徊

濟寧

州城秋色隱然迷地控雄繁雉堞齊水路三千半南北

天風五兩各東西菰蒲鄉穩魚餐厭黍秣年豐酒價低
呼起鈎袍狂太白相從一飲醉如泥

地有李
白酒禮

濟寧贈同年沈青齋觀察

啟震

去年雪花麤送君臨汶濟今年霜風緊送我還鄉里常
多離別愁不少合井喜愁喜亦何憑中藏聊足恃君爲
監河侯八載於茲矣忠信障波濤精微剔蕪秕欲革浮
靡習先自立身始兒餐僅麤糲婢服無綉綺羹中倚餘
錢惠必遍桑梓人皆服通才我獨欽素履自從放櫂來
日夕思君子先期馳尺素似已萍蹤企

歸清舟次先得君書約日相晤

告以升斗波復我帆檣駛今日及州城踵門煩倒屣堂
上絲竹喧階下芝蘭美宛如一家人豚犬亦環几

諸郎羅列

兒輩亦十分激灑觴不盡不容止吾懷正陶陶爲飲廉
隋侍

泉水驛驚脫銜轡乃坐材跡弛豈有康莊道息駕到驛
駢襟期自高淡事會有驅使此意難具論別君去如洗
烏青二鎮名君家烏鎮分水墩相望苕溪涘雖黍約不愆他日
倘鄰比

曉發濟寧遇順風

黑甜未醒遊仙夢汨汨水聲枕上送長年三老寂無譁
但覺船身穩不重不知郵籤經幾多起來問已半百過
我似峽中下灘瀨彼如灘裏溯牂牁世閒萬事戒欲速
仕途躁進尤非福獨有行路同此心我亦何曾能免俗
命窮所向輒偏仄甘作天衢退飛翼今朝順水兼順風

此境生平未嘗歷傳語。船公勿太驕。人生快意慎所遭。
禍機往往中微忽。前路闡門鍵石高。

閩河雜詠十首

衛河曲曲似弓彎。路直偏愁閩又關。何日天妃閩名方脫。
險眼中還我舊青山。

閩口終宵靜。繫舟似鳴流。澗泉幽曉來放溜。盤渦急不減黃河竹箭流。

借他官勢壓微僚。情面監河使者要已有。鄰船煩帶挈。
艄公意氣十分驕。

高風談笑卻秦餘聊攝東還訪故墟。細贊莫嗤黃鸝子。
幾人能信魯連書。東昌有魯連射書處故跡曰藜詩魯連細而黠有若黃鸝子。

小說虞初太雜厖人言水滸傳無雙安山開前是梁山名

樂閑聽兒童話宋江

分水廟前疊鼓搗柳林闇外噪神鴉建瓴直下三千尺
龍脊中閒捲浪花

斯人去我已千年今古才無李謫仙直上高樓謀一醉
自呼明月下青天

詩思慙如上水船有人能和白雲篇浮蹤絕似迷藏捉
省卻箇中買酒錢

穀人時遇失

浮家兒女狎風波識得津梁道里多幾輩安居能快活
世間都是耐勞坡

安居耐勞坡皆開河中地名也

似客秋光去不停小陽春早暖回汀風霜不到徐州境

一路南來柳夏青

生日用坡翁流年已似手中蓍爲起句

流年已似手中蓍鳥出樊籠馬脫羈未必知非真信是
卽今勇退尙嫌遲家貧亦有還鄉樂恩重寧無去國
恩自此林泉閑歲月轉將餘景作初曦

戲咏醉鯰

最最江湖賦命微酸鹹嗜好未相違有生難得惟中酒
到死何曾有著緋偶共橙盤鱸鰣俊不爭糟甕蟹胥肥
惹他百粵人嗤點蜜唧泥鼈底是非

白洋河感懷

憶昔奉母赴京闕母年五十兒三七扁舟連夜達江淮

阻淺此閒三日歇其時兒戲不知愁母亦怡顏少憂恤
只道承歡歲月長寧知違養冰霜烈人生斗粟爲事親
親歿卽應謝簪綬可惜悠悠更十春了無成就多磨折
何曾期望副些少豈有劬勞報萬一幸免禍機嬰網羅
已看跋足遭顛蹶重來挂席過河干昔是初程今結穴
隄柳還驚嘯晚風船窗依舊棲寒月低徊那禁雙淚垂
聲共灘流兩嗚咽老妻當日新嫁娘今作阿婆將禿髮
與甌北師簡齋夢樓雨前輩別十年矣明當渡

河計相見有日喜而作詩

名山眺望嵩華泰黃河擊楫波流大貴遊交臂遍朝
廷孰是歐陽韓太尉求諸于野豈易獲太息名賢竟千

載忽近貴遠笑物情古人不見今人愛大江以南袁趙
王平生師友推崇最雖無事業炳寰區尙有文章壓儕
輩五百里閒德星聚四十年來高躅對不惟詩句萬口
傳爭把銀鬢團扇畫雲中野鶴各飄灑俯視秋蟬學泥
蛻大邦牛耳主齊盟也要有人捧盤敦河水滔滔送客
舟憶昔相逢期早退從公痛飲一開顏幸不食言息壤
在

渡河

雞鳴擊汰渡黃河袞袞洪流卷逝波十月衣裘寒氣薄

千檣帆席雨聲多漫傷麗玉笙俟引還聽宣房瓠子歌

時間徐州
決口將塞

聖代卽今誰伯禹補苴三策定如何

舟行順風夢中作詩枕上頗能記憶晨起續成

二首

心與閒鷗兩不驚西風黃葉峭帆輕人同鴻雁穿雲去
舟作蜻蜓點水行

不辨天光更月光杳如查臥泛銀潢莫嗤詞客多窮薄
神也風能借馬當

舟次維揚將謁補山制府於金陵先之以詩四首

器識超流俗平生踐歷奇大賢能豹變壯歲未鴻儀公始登第逾十年乃入中書有路雲霄到無人涯溪窺良臣遭

聖主始信子淵詞

成勞畱蜀粵移節大江南千里嶽雲潤三春時雨甘功

高心益下

恩重力能擔吉甫歸黃閣詞林續美談

尹文

端公由兩江節制大拜先爲使相旋領樞庭故援以相例

報

國文兼武持躬儉亦勤苦甘同士卒嘯詠愛朋羣

名可麒麟閣詩空鵝鸞

軍篋中劉穆字常把異香熏

公與

親舊往來尺牘日可百函雖膺節旄統師旅

之日從不假手記室余篋中存公書甚夥

夙慕金陵勝轅門對攝山情多公足恃興盡客初還俊
挾書三篋來分廈萬閒卅年知契在不是偶追攀

歐北師召遊平山堂趙緘齋亦適自常州至

喜陪永叔遊恰值歐陽地境遠隔甚囂朋來出不意初
從紅橋入暫向虹園憩畫船移曲折荻岸僊幽邃當時

架鑿功命意尙綺麗在密不在疎取局不取氣亭臺太
稠疊水竹互清媚山川半假設智巧爲補綴若將西湖
比翦綵笑錦費徒爲銷金窩士女傾城戲天寒遊舫稀
一鼓詩人憇轉因荒涼中免涴脂粉膩舉頭見鱗鬚鬱
鬱萬松翠心知是蜀岡太古土一簣陟磴攀危梯高樓
決遐眡江光自明滅圍出雲天細巋然平山堂名賢蹟
所寄草木非故物再拜尙翹企遂尋第五泉又新昔品
第惜未攜龍團竹爐活火試手刻蒼筠嬌略把姓名記
身踞黃葉顛衣裂紅薔刺山中月季下坂股脚輞回舟
笑談恣滌酒浮蟻香紅燈照鳬睡詞客例愛遊吳人兼
好事曾聞北郭賓歲修永和禊冶春社久荒司李集爭

貴天畱湖山貌精華洩猶未倘俟我輩聞不特前蹤繼
待編籃輿籃長侍醉翁醉

補山制府自徐州回邂逅維揚舟次遂不作金陵之遊

秣陵佳麗地烟草餘六代青山渺一髮只隔江如帶身
行半天下獨此遊未逮論當著過秦興欲乘訪戴卻逢
使節回元戎住小隊鵠頭一握手頓覺離愁汰平生雲
夢罷老去漸帶芥免涉龍潭險是亦意所快獨餘兩闕
事無樹馬搔疥棲霞少我遊袁安欠我話謂簡齋

京口喜遇雷峯

不見十年久天涯暫得親三冬揚子渡萬里蜀江人

丹陽曲

美酒紅樓是妾家郎來只坐獨輪車一聲誰唱丁都護
愁殺雲陽滿苑花

蘭陵晚棹

客意憐江水江流逐客行岸高天易夕潮落月初生隱
隱燈光動頻頻酒殘傾還將新句子譜入櫂歌聲

常州畱贈詩三首

李太守松雲

堯棟

草罷陵雲賦朱轡守大邦但看春有腳應識士無雙落
葉思京國清尊記兩窗衡官到屈宋豪氣可能降

蔣潁州立菴

熊昌

閒說歐蘇治風流似汝今西湖未蕪沒遺澤與之深閑
徑迎三益還家剩一琴喚達亦已久款話昔年心

趙比部緘齋

繼男

已忘衰遲追何妨謔浪酣對君疑是夢得酒那辭貪未
皺波斯面如尋老學菴緘齋年已望七相別十
年容顏較昔更爲豐晣清談良

有味不及阿戎談

謂舍弟映川舍人

七子山攜內壻外舅墓

客占一邱土魂歸萬里雲至今寒士淚猶滴墓頭芸女
小隨娘拜耶言要汝聞生前多酌我莫把酒澆墳

虎邱後山

不耐三門路荒荒闊屐裏山陰聊可喜策杖倚斜曛樵

返擔紅葉僧來埽白雲東軒無限景眼界若爲分

聞門夜泊

豔思如花發難容到此灰一年春不去竟夕月常來燈影市樓歇簫聲遊舫回鄰舟休借問知有幾清才

十一月八日初抵湖州寓館驛巷二首

三千里外一歸航卻溯苕溪指道場他日定收流寓傳此身宜老水雲鄉所嫌近市求都利未必賒山策僂良坡詩無價青山爲我賒云到岸抽帆吾事畢閱他冠蓋往來慄居近驛故

乾坤何處可誅茅行腳多生笑打包且與贊蟲同閉戶凝隨新燕更營巢休休息踵容琴劙草草開心到井庖

聞說此閒山水窟待攜閨友踏春郊

還家

十年不還鄉還鄉轉如夢扁舟入孤邨小橋冰鏡動維時天色寒隴畝力無用家家白版扉新穀正春馨鄉人爭聚觀牆角影一哄微聞歎我老面目近梨棗驚怪坐何事得非太愚蠢不然無二頃歸曷給飧饔迎門得諸叔羅拜列羣從所嗟老輩稀但見新髫眾無從識小名信口呼伯仲琅琅黨塾閒頗未輶弦誦父老聞我歸或攜斗酒送艱難相慰勞欣喜雜悲痛淒涼先子廬風雨欹梁棟彫零闋花木深媿扶頭重謂葆光續修安可緩居牡丹捲無餘俸但期堵築環那復牖解囊終當攜妻子相

傷學耕種忍飢亦何常風月尙可弄

悅親樓詩集卷二十二終

培黃壇校字